

Barweet nyēē kisirchi :Bāwulō Ēfēēsēēk

Taayta

Siriintēēt, kēnyiit nyēē /kikēēsirē āk wōlēē / kikēēsirēē: Kisirē :Bāwulō barwaani kurataat ām Rooma ām kēnyiit nyēē /kiisōōtyinē kule kibo 60 KK. Ki kiriing' :Ēfēēsō nyēē wōō ām yēēmēētaab Eesya nyi /kēēkuurē ra kule Eesya nyēē Mining' ānki mātēēbēēt nyēē wōō nyēbo mung'aareet. Kibuur :Bāwulō Ēfēēsō nyēē lōō ām ruutoonyii nyēbo sōmōk ankoomuuch kutoow kaniseet nyēē kichokukiimiit miisin ām wōlooto. Nyēē mā tyaa, /bokēētoow kanisoosyek ām kiriinkōōsyek chēē ki lēēkitēch. Barwaani bo Ēfēēsō ku nyēē /kēēmāchē kuyityi kanisoosyek tukul ām Eesya nyoo Mining'. Yoo /kākēēnyōōr barwaani, kumāchāktōōs / kēēsumānchi biikaab Kiriistō.

Kiyēē mii āriit āk kiyēē āmu: Makerkeey :barwaani bo Ēfēēsō āk bārōōnōōkaab Bāwulō chuut kuuyu māwuulyēē ng'aleekaab kāānēētiisyō nyēbo lembech nto kāāyiimuutēk alak ām wōlēē mii :biikaab Kiriistō. Kisirē :Bāwulō barwaani kumāchē kooyeesta keey :soboontaab tāmirmiryēēt nyēbo biikyii chēē makusuman sukung'eet kōōnkēt ām kēēlto nyēē karaam kiyēē mākyinē icheek :Yēyiin kurubta keey āk kaararaacheet. I-ārōōru :barweet ām kēēli wōlēē kiwuu :chōbuutēkaab Yēyiin kurubta keey āk kaararaacheet kumānāātoow kuyey barak āk ng'wēny, kubuntēē kiyēē kiyeyakay ām

yoo kibo Kolkoota ānkuwo kuu nyooto ākoy tabantaab kōōrēēt yoo / kiisyēēntooy rōkōs. Iboorchinē :Bāwulō biikyii choo kāsē ng'aleechu kule miitē kuboortōōs :rōkōsto āk kāroomnyēēt nto nyooto ku booryēētaab Buunyoontēēt āk Yēyiin (kur. 6:12). Kuu yoo kēēyēku bōōrto akeenke, / kiikēēkuurtoowēēch biirtooyiisyēēt ām booryoonoonyii.

Iboorunēē barwaani kēēlwookik chēē teer ām wōlēē wuu :tilyaanateet nyēē mii kwēēnuutaab biikaab Kiriistō āk Mokoryoontēēng'waa. / Kikiiboorunēē kāāburtaab murēnēēt āk koorkēēnyii, bōōrto nyēē mētit ku Kiriistō, kōōto nyēē tolochta ku Kiriistō āk alak. Itēryēēchēē kāākiimēēt kule kēēminyē ākookoy ām soboonto nyēē ing'ērēēchē Kiriistō.

*Kyoorōōrchi keey :Bāwulō biikaab Ēfēēsō
ānkumākyi bērur*

¹ Anii :nyoo Bāwulō nyēē kitoola :Yēyiin āyēku *lēbkēēyiintēētaab Kāārārookiintēēt Yēēsu. Āsirwook lōkōōywēchu akweek biikaab Kiriistō chēbo *kiriinkēētaab Ēfēēsō choo kyōōyēnchi Kāārārookiintēēt Yēēsu. ² Lēyyē, kōōbēruurook :Baaba Yēyiin ānkōōnyōōru kaalyeet ām wōlēē miitē :inee āk Mokoryoontēēt Yēēsu Kiriistō.

Kichōb :Yēyiin /kiiraraach biiko

³ Kusilākoy :Yēyiin nyoo kwaaniitaab Mokoryoontēēnyoo Yēēsu Kiriistō. Kukōōnēēch :Yēyiin bērur ake tukul nyēbo soboontaab Tāmirmiryēēt kubununēē Kiriistō. ⁴ Kisimkutooleech

:Yēyiin / kumānāākēētoow kōōrēēt kubununēē :Kāārārookiintēēt sukung'eet kēētililiitu nyēē -mākēētinyē miyootyo ake tukul ām taayeenyii.

5 Kisimkootiil :Yēyiin ām chamateenyii kule kēēyēku lōkōkyii kubununēē Kāārārookiintēēt Yēēsu. Kiyey yooto kuu wōloo kimāktooy nkityōōniin. **6** Okany kiitōrōōr Yēyiin kubo bēruroo wōō nyoo kiikurōōbwēēch kubununēē lakwanyii nyoo chāmē :inee. **7** Kiikuwālāng'wēēch :Kāārārookiintēēt ām korotiikyii choo kiwasta, nto yooto / kukōōkēēnyōōwēēch kaat ām choolwookātēēnyoo. Chāmēēch sōō :Yēyiin nyēē tyaa! **8-9** Ām chamataani wōō, kiiboorwēēch chōbēēnyii nyēē kiiyeelaat. Kirōōbwēēch kiirnātēēnyii ankuyeyeech kiinkēt kiyēē kimāchē kuyey kubununēē Kiriistō. Kiitiil kuyey kuu nyooto kuuyu kikas :inee nkityōōniin kule ki karaam. **10** Kiito nyēē kiikuchōō :Yēyiin ku kule Kiriistō :nyēē mākuyis ānkubāw tukuuk tukul cheē mii barak āk ng'wēny yoo kāyityiin :bēsyōōsyēk cheē yēmootiin.

11 / Kisimkeekweyeech ām Kiriistō kēēbooyiitu Yēyiin nyoo ityiichē tukuuk tukul kurubta keey āk wōlēē kikiikusatita āk wōlēē kimāktooy. **12** Kunyoo, māchāktōōs :acheek Yuutayeek choo kisimkiikēnēē keey chōōnēētaab :Kāārārookiintēēt, kēēsiltooy Yēyiin kubo wōōyinnyii. **13** Kyōōyēnchi :nkakweek choo kimōōyēku Yuutayeek yoo kyōōnāmē ng'ālyoontēētaab manta nyoo irāroochē biich. Yu kābōōyēnchi Kiriistō /keeng'oocheenaak

Tāmirmiryēētaab Yēyiin nyoo /kikiikēēkuurtoowook / sikiinkētēēnook kule ūbooyē Yēyiin. **14** Yu / kikēērōōbwēēch Tāmirmiryēēt, ki kereeryaanteet :nyooto nyēbo nyoo +mākēēnyōōru ām bēsyēēt nyoo /kiityooktēēchacheek choo kēēbooyē Yēyiin. Kēēsiltē Yēyiin kubo wōōyinnyii.

Kisoochi :Bāwulō biikaab Kiriistō chēbo Efēsō

15 Kyaakas kule ūkoosēē keey miisin Mokoryoontēēt Yēēsu ānkōōchāmē biikaab Kiriistō. **16** Kunyi, kimāākustooy ābirchi Yēyiin kōōnkōy yoo āsoowook. **17** Āsooyē kibtaman Baaba Yēyiin nyoo boonto lēbkēēyyēēt ānku kwaaniitaab Mokoryoontēēnyoo Yēēsu Kiriistō kule kukōōnook kiirnātēēt ānkung'oong'wook ūnkēt wōlēē wuu :inee. **18** Āsooyē subak kule kusēw :mētēwookwook sōōnkēt kule ūkēnēē keey miisin kiyoo kiikukuurtoowook :Yēyiin kule sukurōōbwook āk mbo kule sookas wōlēē tēē :bērurto nyoo kyōōnyōōru :akweek āk biikaab Kiriistō tukul. **19** Āsooyē mbo subak ūnkēt wōlēē tēē :nyikiisinto nyēbo kāāmuukēywēēk chēē mii kuyēyiisyēē :Yēyiin ām wōlēē kēēmiitē :acheek choo kiikuiyēnchi inee nyēē māmii :kiyēē /kiiwuuytēē. **20** Kiyēyiisyēē :Yēyiin kāāmuukēywēēchooto, yoo kiing'ēētēē Kiriistō meet ankuyey wokutēbunēē āwunyii bo taay ām kibkōōnkōy kubāytooyiis :tukwaay. **21** Bāytooy :Kiriistō chii ake tukul nyēē bāytooyiin ām barak, biiko tukul choo bo kāāmuukēywēēk āk mokorēēnik tukul. Inee :nyēbo kāāmuukēywēēk chēē wōōyēch miisin kusiir alak

ām kōōrooni āk mbo ām kōōrēēt nyoo mākuchō.
22 Kiikōōkoochi :Yēyiin Kiriistō kubāw kiy ake tukul ankuyey inee kuyēk kāāyyoong'iintēētaab biikaab Kiriistō. **23** Biikaab Kiriistō ku bōōrtaab Kiriistō. Inee :nyēē yēyē bōōroo kuchurta ānku inee nyēē yēyē kiy ake tukul kuchurta ām wōlto ake tukul.

2

/Kēērōōbwēēch soboonto nyēē lēēl ām Kiriistō

1 Ām taay, kikyōōbēku ōsobchootiin kubo ng'ōōkisto nyēē kyōōboontē, **2** yoo kitōōrubē ātēbuutēk chēē nāmē keey āk soboontaab kōōrooni āk mbo chēbo bāytooyiintēētaab tāmirmirook chēē miyootēch ām wōliin bo barak. Bāytooyiintonoo :nyi mii kuyēyiisyēē choo mākāsyinē Yēyiin. **3** Kikeekerkeeye :nkacheek tukul āk bichooto. Kitōōrtēēch :muchastaab bōōrwoonikyoo ānkikēērubē miisin kāāsōōtēywēēkaab tukuuk chēē miyootēch. Kuu wōlēē wuu :biiko alake, kinyoolchēēch nkacheek kēēnyōōru ng'wooninto nyēē /kimākiing'woonchi bichooto.

4 Nteenee kuuyu chāmēēch :Yēyiin miisin ānkuriirēēnēēch kuyitita, **5** kukōōnēēch soboonto nyēē lēēl ām Kiriistō. Ānkoo sinee kikiikēēbootyē kubo ng'ōōkisto nyēē kikēēboontē, kooraraacheech ām chamateenyii. **6** Kiikoong'eeteeneech :Yēyiin meet āk Kāārārookiintēēt Yēēsu ānkōōyoomēēch

1:21 Room. 8:38; Kala. 4:8-9; Ēfēes. 6:12; Kolos. 1:13, 20; 2:9-10, 15, 20 **1:22** Ēfēes. 1:10; 4:15; 5:23; Kolos. 1:18; 2:19 **1:23**

1Kōōr. 12:27; Ēfēes. 2:16; 4:4-16, 25; 5:30; Kolos. 1:18; 2:19; 3:15

2:1 Room. 5:12; Kolos. 2:13 **2:2** 2Kōōr. 4:4; Ēfēes. 6:12 **2:3** Ēfēes. 5:6; Kolos. 3:7 **2:4** Room. 8:39 **2:5** Room. 3:24; Kolos. 2:13

āk inee sikēēbāytooyiisyē :tukul ām barak,
⁷ sukōōboorunēē yooto ām bēsyōōsyēk choo
 kwoonii kule chāmēēch miisin nyēē māmii
 :kiyēē /kiiwuuytēē. Kiiboorwēēch chamataanaa
 kubununēē Kiriistō. ⁸ Yēyiin nkityō :nyēē kiyēyook
 / kiiraraachaak kubununēē chamateenyii yoo
 kyōōkoosēē keey inee. Mēēbērē kyōōbirtoochi nkur
 nteenee kiy :nyoo nyēē kirōōbu :Yēyiin. ⁹ Kunyi,
 mang'as keey :chii kule / kikiiraraach, kuuyu
 mēēbērē kibirtoochi kiyoo nkur. ¹⁰ Yēyiin :nyēē
 kiyeyeech kēēyēku cheechii. Nto kuu yoo kēēyēku
 cheechii, kumākwēēch kēēyēyē tukuuk chēē
 kāroomēch choo kisimkuchōbwēēch kubununēē
 Kāārārookiintēēt Yēēsu.

Kiichoombnyo :Yēyiin Yuutayeek āk choo mā Yuutayeek

¹¹ Ōnkēt kule -mōōyēku Yuutayeek :akweek ām
 yyootēēt. Kuurook :choo / kiimurootānē kule
 'chēē -/mākiimurootānē' (kiy nyēē /kēēyēyē āwuun
 buch). ¹² Okas kule kimānōōnkēt Kiriistō yu
 kibo taay, / ankikiikeekertaak saang' nyēē ki
 mākoy ḥnyōōru bērurtaab *Isrāyēēl nyoo kiikuku-
 urtoochi :Yēyiin biikyii. Kikyōōminy kōōrooni
 nyēē māmii :kiyēē tōōkēnēē keey āmōōnkētē Yēyiin.
¹³ Kyōōlōōyēch :akweek ām wōlēē mii :Yēyiin yu
 kibo taay. Nteenee /kōōkēēkwērwook raat ḥlēēkityi
 Yēyiin kubununēē korotiikaab Yēēsu.

¹⁴ Inee nkityōōniin :nyēē kiyibchi Yuutayeek
 āk choo mā Yuutayeek kaalyeet ānkiikōōtuuyo

2:6 Ēfēēs. 1:3; Kolos. 2:12; 3:3-4 **2:8** Kala. 2:16 **2:9** Room.
 3:28; 1Kōōr. 1:31; 2Tēm. 1:9; Tiito 3:5 **2:11** Room. 2:28-29; Kala.
 5:6 **2:12** Room. 9:4; 1Tēēs. 4:13 **2:13** Room. 11:17 **2:13**
 Ēfēēs. 1:7

bōrōryōōsyēchooto tukwaay kuyēk kiito akeenke. Kiikubut tōtēēt nyoo kiyibu buunyoontiit.

15 Yu sukuyeyakay kuu nyooto, kiikooyto :Kāārārookiintēēt soboonnyii sukoowaang'tee kiruutyēētaab Yuutayeek āk mbo mākuutēkaab kiruutyoonoo. Kiyey yooto kiito akeenke kuyēwunēē wōlēē mii :bōrōryōōsyēchooto āyēēnku ānkunoomnyo āk inee nkit. Kiyib kaalyaanaa ām kēēlooto.

16 Yu kāwokumēēchi :Kāārārookiintēēt murtooywoontēēt, koowaang'ta yooto buunyoontiit ānkōōchoomnyo bichoo kuyēk kiito akeenke.

17 Kichō :Kāārārookiintonoo sukuyibwook kaalyeet akweek choo mā Yuutayeek choo kyōōlōōyēch ām wōlēē mii :Yēyiin ānkuyibchi nkicheek kaalyeet Yuutayeek choo kilēēkiteē.

18 Kunyoo, inee :nyēē yēyē :bōrōryōōsyēchuutēchu tukwaay kuyityi Baaba Yēyiin ām Tāmirmiryēēt akeenke.

19 Kunyi, -mātōōyēku sobooy :akweek choo mā Yuutayeek. / Kikēētāsyook biikaab Kiriistō ānkēēbooyē :tukul kayta akeenke nyēbo Yēyiin.

20 Okerkeeye kō nyēē / kikeeteech yēbo tiiyēywoontēētaab ng'aleekaab *lēbkēēyik āk *wōōrkooyik kuboonto keey Kāārārookiintēēt Yēēsu nyēē tolochta.

21 Kiriistō :nyēē tiiyē keetiik tukul chēbo kōōto kut kuyēk Kōōtaab Yēyiin.

22 / Kēēmii / kēētēēktook nkakweek ām Kiriistō ōyēku kōōto wōlēē sukuminyē :Yēyiin ām Tāmirmiryēēt.

2:14 Yēyuut. 10:36; 1Kōōr. 12:13; Kala. 3:28; Ēfēēs. 2:16; 4:1-6

2:15 Room. 7:4-6; 2Kōōr. 5:17; Kolos. 2:14 **2:16** 2Kōōr. 5:18;

Ēfēēs. 1:23 **2:17** Isa. 57:19; Yēyuut. 2:39 **2:19** Ēfēēs. 3:6 **2:20**

Mat. 16:18; Ēfēēs. 4:11; 1Kōōr. 3:10-11; Ng'oong'. 21:14 **2:21**

1Kōōr. 3:16 **2:22** 1Kōōr. 3:17; 1Bēt. 2:5

3

Kyoomchi :Bāwulō lōkōōywēk biiko choo mā Yuutayeeek

1 Ām ng'aleechaata tukul, ākutunkiyinē :anii Bāwulō Yēyiin. Āmiitē kāābrātiisyō kuuyu kyāā-āmwook akweek choo mā Yuutayeeek lōkōōywēk chēē kāroomēch kurubta keey āk Kāārārookiintēēt Yēēsu. **2** Kyookas kule king'oobwoo :Yēyiin ā-āmwook lōkōōywēchu kāroomēch bo chamateenyii. **3-4** King'oong'woo lōkōōywēchoo kiiyēēlootiin. Yoo koosuman ng'aleechu kāāsirwook ām nwookinto, +mōōnkēt tukuuk choo kiiyēēlootiin choo ānkētē :anii kurubta keey āk Kāārārookiintēēt. **5** Ng'ālyoo :nyoo nyēē / kimānāākiiboorchi biiko bēsyēēt ake kuu yoo kāākōōboorchi :Yēyiin *lēbkēēyikyii chēē / kiitāboonchi āk *wōōrkoooyikyii kubununēē Tāmirmiryēēt. **6** Ng'ālyoontoonoo kiiyeelaat ku kule, mākurōōbchi :Yēyiin biiko choo mā Yuutayeeek kiy kuu yoo kirōōbchinē choo Yuutayeeek. Kāākunoomnyo :icheek tukul kuyēk kiito akeenke ānkumākunyōōr kiyoo kiikukuurtoochi :Yēyiin biiko kubununēē lōkōōywēk chēē kāroomēch chēbo Kāārārookiintēēt Yēēsu.

7 Kikōōno :Yēyiin ayey yiisyooni bo āmtooyiisyēētaab lōkōōywēchoo kāroomēch kurubta keey āk bērurnyii nyēē kirōōbwoo ām kāāmuukēywēēkyii. **8** Ānkoo ābooyē sinee ng'wēny miisin ām biikaab Kiriistō tukul, /kikeērōōbwoo kiyoo kule ā-āmchi biiko choo mā Yuutayeeek

3:1 2Kōōr. 11:23; Ēfēēs. 4:1; 6:20; Filib. 1:7, 12; Kolos. 4:18; Filēm. 1, 9 **3:2** Room. 1:5 **3:3-4** Kala. 1:12 **3:6** Room. 16:25-26; Ēfēēs. 2:14, 18-19; Kolos. 1:26-27

lōkōōywēk chēē kāroomēch kurubta keey āk bāytit nyēē mātēē nyi nyēē boonto :Kāārārookiintēēt. 9 Māchāktōōs āboorchi chii ake tukul ng'aleechaa kiyēēlootiin kuchakee /kikeeyey kōōrēēt. Kiiyeel :Yēyiin nyoo kiyēyē kiy ake tukul chōbēēnyii ākoy bēsyēēt nyēē 10 kēēboorchi bāytooyik āk choo bo kāāmuukēywēēk ām kōōrēēt barak kiirnātēēnyii nyēē tinyē komoswookik chēē tēērchiintōōs. Kimāchē :Yēyiin kōōboorunēē kiirnātoonoo wōlēē mii :biikyii. 11 Kikiikuchōōb :Yēyiin ng'aleechaa kumanaayey kōōrēēt. Nto yityo chokoootyiich kubununēē Kāārārookiintēēt Yēēsu Mokoryoontēēnyoo. 12 Yoo kiikoosēē keey Kāārārookiintooni, kiityookootiin kubo inee kēēityi Yēyiin nyēē māmii :tōsōōsyo ake tukul. 13 Kunyoo, āmwooowook kule -mookany kubēk :moonikwook ām kiyēē ānyālilēē kubo akweek, kuuyu kiyēyākiis :ng'aleechaa / sikēēyibwook lēbkēēyyēēt.

Kisoochi :Bāwulō biikaab Ēfēsō

14 Ām ng'aleechaa tukul, ākutunkynē Baaba Yēyiin. 15 Inee :nyoo ibooru wōlēē māchāktōōs kōōbuurtooy :sikiintō āk lōkōkyii ānku ām wōliin bo kibkōōnkōy nto ng'wēny. 16 Wōō :Yēyiin, lēyyē! Kōōtitiiirēēnook kāāmuukēywēēkyii kubununēē Tāmirmiryēēnyii nyoo mii āriing'woong'. 17 Āsooyē kule ōtēbtooy Kāārārookiintēēt ākookoy :akweek choo ōkoosēē keey inee. Kuchutitēēnook :chamateet 18 soomuuuch :akweek ākoo biikaab Kiriistō tukul ōnkēt kule chāmēēch

3:8 1Kōōr. 15:9-10 **3:12** Ibu. 10:19 **3:13** Kolos. 1:24 **3:17**

Ēfēs. 5:2; Kolos. 2:7

:Kāārārookiintēēt miisin ānku tēē :chamataanaa wōli āk wōliin **19** ānkōōnkēt mbo subak kule kēēyēētēē :chamataani wōlēē kēēkāstoooy. / Kiinyiitwook chamataanaa bo Yēyiin kuyem.

20 Kutōrōriit :Yēyiin nyoo kōōnu kukeeytee chēē kākēēsoom nto mbo chēē kiisōōtyinē kurubta keey āk kāāmuukēywēēkyii choo mii kuyēyē yiisyēēt ām wōlēē kēēmiitē. **21** Kutōrōriit :Yēyiin kēnyiis āk kēnyiis ām wōlēē mii :biikyii kubo Kāārārookiintēēt Yēēsu. Kuwuuyiit nyooto.

4

Noomnyēēt ām bōōrtaab Kiriistō

1 Āmwoowook :anii nyoo arataat kubo yiisyēētaab Mokoryoontēēt kule ūbuur ām soboonto nyēē chuulaat nyoo kikuurchook :Yēyiin. **2** Ōyibē keey ng'wēny kutukul ānkōōntustōōsii. Ōmuytoochinē ng'al ānkōōchoomtōōsii. **3** Osyeem wōlēē ūmuuktooy okas kule kōōriib noomnyēēt nyoo kōōnu :Tāmirmiryēēt āk kaalyeet nyoo ituuyook. **4** Akeenke :bōōrnyoo anku akeenke :nkinee Tāmirmiryēēt kuu yoo /kikēēkuurchēēch kiikēnēē keey kiito akeenke. **5** Akeenke :Mokoryoontēēt, akeenke :manta anku akeenke :batisaneet. **6** Akeenke :Yēyiin nyoo kwaaniitaab biikaab Kiriistō tukul. Bāytooy tukul, yēyiisyēē tukul ānkumiitē āriitaab tukul.

3:19 Kolos. 2:2 **3:19** 2Kōōr. 5:14; Ēfēēs. 5:2 **4:1** Ēfēēs. 3:1

4:2 Kolos. 3:12-13 **4:3** Ēfēēs. 2:14-16; Kolos. 3:14-15 **4:4**

Ēfēēs. 1:23; 2:18 **4:5** Yoowa. 10:16; 1Kōōr. 8:6 **4:6** Yēyuut. 17:28; 1Kōōr. 12:6

7 Kirōōbchi :Kāārārookiintēēt chii ake tukul āmacheek yiisyēēt kurubta keey āk wōlēē wuu :chii.

8 Kiyooto :nyēē mwooyē :siruutēkaab Yēyiin kule:

“Kiweēto kibratiisyek barak,

ānkurōōbchi biiko tuwēnuutēk.”†

9 Ibooru nee :ng'aleechu: “Kiwo barak?” Ibooru kule kirēk kurook wōlēēb ng'wēny. **10** Nyooto kirēku, ku inee mbo subak :nyoo kiwēētii barak kut wokoong'irta sukootyiichakay :kiy ake tukul ām kōōrēēt. **11** Inee :nyooto kiyey biiko alak kuyēk *lēbkēēyik, kuyēk :alake *wōōrkooyik, kuyēk :alake āmtooyik, kuyēk :alake ākiikaab biikaab Kiriistō nto alak kuyēk kāānēētik. **12** Kiyey kuu nyooto sukuchōb :bichoo biikaab Kiriistō kuyey yiisyēēt kōōtitiir bōōrtaab Kiriistō **13** ākoy kēēnoomnyē :tukul ām kiyēē kēēchāmtooy ānkiinkēt Lakwataab Yēyiin kuchurta. Yooto kēēkich ankeechechurte kutukul ām Kiriistō.

14 Yooto, mēēbērē tākēēng'ārn̄g'ārēch ām ng'ālyoontēēt / āmākēēwēēchwēēchēēch kēēyēēlchi komosta nyi nto nyiin kubo wusōōnēētaab kāānēētiisyēēt ake tukul nyēbo biich chēē ng'oomōōt chēē ibērbērē biich ānkukēntooy biich. **15** Nteenee, okany kēēkich ām tukuuk tukul keekerkeyiitu Kāārārookiintēēt nyoo kāāyyoong'iintēēnyoo, kēēmwooyē ng'al chēēbo manta ām chamateet. **16** Inee :nyēē inoomtōōs komoswookikaab bōōrto kuyēk kiito akeenke kutoorētē keey :tukul. Yoo kayey :komosta ake

4:7 1Kōōr. 12:11 † **4:8** Tyēēn. 68:18 **4:9** Yoowa. 3:13 **4:11**

1Kōōr. 12:28 **4:12** 1Kōōr. 14:26 **4:13** Kolos. 1:28 **4:14**

1Kōōr. 14:20 **4:15** Ēfēēs. 1:22

tukul ām komoswookichoo yiisyēēnyii, kunērē :bōōrtaab Kāārārookiintēēt tukul ām chamateet.

Onam ātēbuutēk chēē leelach

17 Ōrōōtotoe ng'ālyoontooni: Āmwooook ām kāāmuukēywēēkaab Mokoryoontēēt kule -mōōminy kuu wōloo ming'tooy :biiko choo -mēēnkētē Yēyiin choo tinyē kāāsōōtēywēēk chēē māyēētyēēchinē kiy. **18** Miitē :bichoo mēēnān ām wōlēē isōōtitooy /ankikiitabaanee wōlēē mii :soboonto nyoo kōōnu :Yēyiin. -Mēēnkētē :icheek kiy kuuyu kiyoomcho :mēētēwoy. **19** Kimēētākusobchootiin :mēētēwookwaa. Kiikwoosyi keey sikornateet ānkōōwutootēē keey kuyēē ng'al alak tukul chēē mā tiliilēch.

20 Māwuu nyoo :mākuutyēētaab Kiriistō nyoo / kikiineetaak. **21** Miitē :manta wōlēē mii :Yēēsu ānkōōnkētē :akweek inee. /Kiikiineetaak **22** otayee keey ātēbuutēchoo kibo taay choo kitōōrchook :muchas choo kimii wokwooroontook. **23** / Kiikiineetaak mbo subak oweeksee kāāsōōtēywēēchoo kibo taay ankoorub kēēltaab Tāmirmiryēēt **24** ankoonam ātēbuutēk chēē leelach. / Kikeeyeyaak okerkeyiit Yēyiin ōkārāmiitu kuchurta ānkōōtililiitu kurubta keey āk manta.

25 Kunyi, ōmētē ng'wiiynaneet ānkōōmwooochinē chii ake tukul ng'al chēbo manta. Kēēbooyē :tukul bōōrto akeenke. **26** -Mookany kutōōrchook :siirmōōyto ng'ōōkisto, āmānyēēr :chii kwiimēn.† **27** -Mōōkoochi Kibrōkōsyoontēēt bārooyinto mbo kisich. **28** -Mātākuchōōrso :chii nyoo kō

4:16 Ēfēs. 2:21-22; 4:13; Kolos. 2:19 **4:18** Room. 1:21; 1Bēt.
1:14 **4:22** Room. 8:13; Kolos. 3:9 **4:23** Room. 12:2 **4:24**
 2Kōōr. 5:17; Kolos. 3:10 **4:25** Seka. 8:16; Ēfēs. 1:23 † **4:26**
 Tyēēn. 4:4

chōōriin, nteenee māchāktōōs kucheeng' yiisyēēt sukung'eet kunyōōr kiy nyēē kābchēchiin āk choo nyālilootiin.

29 -Mōōng'āloolē ng'al chēbo āwēēsyo. Ōng'āloolē ng'al chēē ititiirē biiko alak yoo kābotyi :kiy, sukung'eet kōōbēruurākiis :choo yēbchinē yiit. **30** -Mooyey kunyēēr :Tāmirmiryēēt nyoo kikōōnook :Yēyiin / sikiinkētēēnook kule ūyēku cheechii, ng'ālyoo nyēē ibooru kule mii :bēsyēēt nyēē makooraraachaak :inee kutukul. **31** -Mookany kung'woonchook :ng'ala. Otayee keey siirmōōyoontiit. -Mōōnyēēru, āmōōyēyē wōōrōōr, āmōōng'ōōmē keey. Ōmētē ng'al alak tukul chēē miyootēch. **32** Ōtānkāsē kityō, ōriirēē alak ānkōōnyōōchinē keey kaat kuu yoo kiikunyōōwook :Yēyiin kaat kubununēē Kāārārookiintēēt.

5

1 Āmwooowook kule ūtēbchēē kuu wōloo wuunto :Yēyiin, kuuyu ūyēku lōkōkyii chēē chāmootiin **2** ānkōōminyē nyēē ūchoomtōōsii kuu yoo kichameech :Kāārārookiintēēt. Kichameech kut kōōkooyto soboonnyii kuboacheek kuu kiy nyēē boong'u nyēē anyiny nyēē /kākēēbēēlchinēē Yēyiin kōrōsēēk.

3 Māmāchāktōōs kutookunēēnook :ng'ala chēē rubtooy keey āk martaayeet nto orub kēēlwookik alak chēē mā tiliilech nto mbo oyeyaate mooyēētyoontiit. Ng'al :choo chēē

4:28 1Tēēs. 4:11 **4:29** Ēfēēs. 5:4; Kolos. 4:6; Yāāk. 3:10 **4:30**
Isa. 63:10; 2Kōōr. 1:22; Ēfēēs. 1:13 **4:32** Mat. 6:14-15; 18:22-35;
Kolos. 3:13 **5:1** Mat. 5:45, 48; Yoowa. 1:12 **5:2** Kala. 6:10;
1:4; Ēfēēs. 3:17-19; 4:15-16; Filib. 2:2; Kolos. 2:2; 3:14

mā kāroomēch ām wōlēē miitē :biikaab Kiriistō choo tiliilēch. ⁴ Nto mbo subak, māmāchāktōōs / kēēng'āloolē ng'al chēē miyootēch, ng'al chēbo bēērbēēryo nto /kēēyēyē chiiran nyēē mā karaam. Nteenee kiyēē māchāktōōs kukēēbirchinē Yēyiin kōōnkōy. ⁵ Ōrōōtotoē ng'aleechu: -Mēēmuuchē :mārtooysiintō, nto ku chii nyēē mā tiliil nto ku nyēē chēēmooyēētyoo kunyōōr ātēbto ām bāytooyiisyēētaab Kiriistō āk nyēbo Yēyiin. Mooyēētyoontiit ku kēēlto ake nyēē kutunkyinēē :biiko tukuuk alak yoo kātākutunkyinē Yēyiin.

⁶ -Mookany kooberbeereenaak :chii ng'al chēē māmii yēēt :kiy. Yēyē :ng'aleechaa kunyēēr :Yēyiin ānkōōng'woonchi biiko choo -mēēywēyē inee. ⁷ Kunyoo, osatee keey biich chēē wuu choo.

⁸ Kyōōmiitē mēēnān yu kibo taay, nteenee ! kōōnyōōru lēbkēēyyēēt ām Mokoryoontēēt. Ōminy ūyēku lōkōkaab lēbkēēyyēēt, ⁹ kuuyu lēbkēēyyēēt :nyēē yibu boorātēēt ake tukul nyēbo karaamateet, churtaayeet āk manta. ¹⁰ Osyeem okas kiyēē ing'ērēēchē Mokoryoontēēt. ¹¹ -Mōōwutēē keey ng'al chēbo mēēnān chēē mākōōnu kiy, nteenee ūsyooru kuruuyo saang'. ¹² Bo tuyāt / keetwech ng'ālyoo nyēē yēyē wung'aan :biiko choo mākāsyinē Yēyiin. ¹³ Nteenee kiy ake tukul nyoo keekweny :lēbkēēyyēēt kutooku, ¹⁴ kuuyu lēbkēēyyēēt :nyēē yēyē kiy ake tukul kutook. Ng'ālyoontoonoo :nyoo yēyē /kēēmwooy kule, "Ng'eet, wē, chēēbrwooniin, ankiing'eetee meet!"

5:4 Ēfēes. 4:29 **5:5** Kala. 5:19-21 **5:6** Room. 1:18; Ēfēes. 2:3; Kolos. 3:6 **5:8** Yoowa. 8:12; Yēyuut. 26:18; Kolos. 3:7 **5:9** Kala. 5:22-23

Yooto, mākōōluuchiing' :Kiriistō."

15 Ōriib keey miisin ām wōlēē ūming'tooy. -Mōōminyē ām kēēlto nyēbo bēerbēeryo, nteenee ūng'oomēkiitu. **16** Ōyēyiisyēē bārooyin ake tukul kuyem kuuyu tinyē :bēsyōōsyēchu rōkōs. **17** Kunyoo, -mōōkwērtē keey, nteenee ūnkēt kiyēē māchē :Mokoryoontēēt. **18** Otayee keey bōōkitēēt kuuyu āroontook. Yēē kātāwuu nyooto, okany / kiinyiitwook Tāmirmiryēētaab Yēyiin. **19** Yooto, +mōōtyēēnē tyēēnwookik chēē tēērchiintōōs ūsiltooy Yēyiin. Ōtyēēnchinē Mokoryoontēēt ām mooyēēt akeenke **20** ānkōōbirchinē Baaba Yēyiin kōōnkōy ākookoy kubo kiy ake tukul ām kaayneetaab Mokoryoontēēnyoo Yēēsu Kiriistō.

Wōlēē māchāktōōs kōōbuurtooy :biich chēē ki-ikoomut keey

21 Ōywēyē keey nto yooto, kukōōyibchi Kiriistō koonyit. **22** Māchāktōōs kōōywēyē :kooruuk saanikwaa kuu wōloo iywēytooy Kiriistō, **23** kuuyu saanteet :nyēē bāwu koorkēēt kuu yoo bāwu :Kiriistō kaniseet kumukuul nyoo bōōrnyii ānku inee :Kāārārookiintēēt. **24** Kuu wōloo iywēytooy :kaniseet Kiriistō, māchāktōōs kōōywēyē :koorko saanteenyii.

25 Nto nkinyiing' saanteet, māchāktōōs ichāmē koorkēēng'uung' kuu yoo kicham :Kāārārookiintēēt kaniseet kut kōōkooyto soboonnyii **26** sukōōtiliileē

5:14 Room. 13:11-12 **5:16** Kolos. 4:5 **5:18** Room. 13:13

5:20 Kolos. 3:16-17 **5:21** 1Bēt. 5:5 **5:23** 1Kōōr. 11:3; Ēfēēs. 1:22-23 **5:24** Kolos. 3:18; Tiitō 2:3-5; 1Bēt. 3:1-6 **5:25** Kala. 1:4

:kanisaanaa kubununēē ng'ālyoontēētaab Yēyiin.*
27 Kiikooyto soboonooto sukuchōbchi keey kaniseet nyēbo lēbkēēyyo, nyēē mātinyē tisya, mā maasaat nto kutinyē miyoootyo ake tukul.
28 Ām kēēlto nyēē wuu nyiitēnyi, māchāktōōs :saannyaa ake tukul kuchāmē koorkēēnyii kuu wōloo chāmtooy keey. Murēn ake tukul nyoo chāmē koorkēēnyii kuchāmē keey nkit. **29** Māmii :chii bēsyēēt ake nyēē kiikutay keey, nteenee bāyē bōōrnyii ānkuriibē kuu wōloo yēytoochintooy :Kiriistō biikyii, **30** kuuyuacheek :chēē kēēyēyē bōōrtaab Kiriistō. **31** Kuu yoo / kikeesir kule, “Kunyoo kiyooto nyēē yēyē murēn kung'eetee kōōtaab kwaan āk kaamet ankoomut koorkēēnyii ānkunoomnyo :tukwaay kuyēk kiy akeenke.”† **32** Mii :manta nyēē wōō miisin nyēē iyeelaat nyēē ibooru :siruutēchu ānkung'āloolēē Kiriistō āk biikaab Kiriistō. **33** Kunyoo, māchāktōōs :nkinee chii ām akweek kuchāmē koorkēēnyii kuu wōloo chāmtooy keey ānkumākyinē mbo :nkinee koorko kōōywēyē saanteenyii.

6

Kāāburtaab lēēkōōk āk sikiikwaa (Kolosaayeeek 3:20-22)

* **5:26** Imuuchē :Bāwulō kung'āloolēē saakweetaab kooyēēy nyēbo Yuutayeek nyēē kimākyinē kule /kiiwuun kōōkōōnnyoontēēt /ānkiilookyi sirook chēē kāroorānēch /kumānāākiimutyi saanteet.

5:26 1Kōōr. 6:11; Tiitō 3:5; Ibu. 10:22; 1Bēt. 3:21 **5:27** 2Kōōr. 11:2; Ēfēēs. 1:4; Filib. 1:10; Kolos. 1:22 **5:30** Ēfēēs. 1:23 † **5:31** Toowu. 2:24 **5:32** Ng'oong'. 19:7 **5:33** Kolos. 3:19; Tiitō 2:6; 1Bēt. 3:7

¹ Nto akweek lēēkōōk, māchāktōōs ūywēyē sikiikwook, kuuyu ng'ālyoo :nyoo nyēē mākwook :Yēyiin. ² Mwooyē :siruutēk kule, “Iwyey kōōn āk koomēt.”† Kiruutyēēt :nyiitēnyi nyēbo taay nyēē kikuurto :Yēyiin ³ kumwooyē kule, “Siiminy nyēē karaam ām kōōrēēt ākoy kooliloon.”† ⁴ Nto akweek sikiik, māmāchāktōōs ūwusē lōkōkwook kut bokwoowēsiitu, nteenee ūnēētē ātēbuutēk chēē rubtooy keey āk Mokoryoontēēt.

*Kāāburtaab motwoorik āk mokorēēnikwaa
(Kolosaayeeek 3:23—4:1)*

⁵ Nto akweek motwoorik, māchāktōōs ūkāsyinē mokorēēnikaab kōōrooni. Ūywēyē ām mooyēēt akeenke kuu wōloo ūywēytooy Kiriistō. ⁶ -Mōōywēyē sōō baateey kule sukuchamaak yoo kakasaak, nteenee ūywēyē kuu wōloo ūywēytooy Kiriistō, ūyēyē ām moonikwook kiyēē māchē :Yēyiin. ⁷ Ūyēyiisē ūm mooyēēt akeenke wuu nyēē ūmiitē ūyēchinē Yēyiin yiisyonoo āmēēbērē kule ūyēchinē biiko. ⁸ Ūnkēt kule mākutuwēn :Yēyiin chii ake tukul ām kāroomnyo ake tukul nyēē kayey ūnku motwooriin :chiichoo nto bāwu keey.

⁹ Nto nkakweek mokorēēnik, māchāktōōs ūnāmē motwoorikwook ām kēēlto nyēē karaam. -Mōōlyōōlchinē kuuyu ūnkētē kule nyoo Mokoryoontēēng'waa icheek ku Mokoryoontēēng'woong' nkakweek :nyooto ūnku

6:1 Kolos. 3:20 † **6:2** Chuy. 20:12 † **6:3** Kiruutēk 5:16 **6:3**
Kiruu. 5:16 **6:4** Kolos. 3:21 **6:6** 1Kōōr. 7:22 **6:8** Kolos.
3:22-25; 1Tēm. 6:1-2; Tiitō 2:9-10; 1Bēt. 2:18-21 **6:8** 2Kōōr. 5:10

inee :nyoo miitē kibkōōnkōy. Māchāmē :inee chiito
ake kusiir ake.

Booryēēt kubo soboontaab Tāmirmiryēēt

10 Ng'ālyoontēēt nyēē āwoong'tēē ku kule,
ōnyōōru nkuruuk kukwaanee wōlēē mii :Yēyiin
nyoo boonto kāāmuukēywēēk. 11 Onam kariikaab
booryēēt chēbo Yēyiin sukung'eet oyeetee keey ām
wōlēē mii kēntooyiisyēētaab Kibrōkōsyoontēēt.
12 Mābo :booryoonoo kule / kiitaata koroti.
Nteenee kēēmiitē kēēbooryēē bāytooyik, kāāntōōyik
alak chēbo kāāmuukēywēēk, kāāyyoong'ikaab
kōōroonēēb mēēnān āk nkuruukaab tāmirmirook
chēē miyootēch ām kōōrēēt barak. 13 Kunyoo,
onam kariikaab booryēēt chēbo Yēyiin kuyem,
sōōyēētu yoo yitu :bēsyoonoo bo rōkōs nyoo
chōōnii, si yoo !koo-am booryēēt, kumāchāktōōs
tōōtitirootiiin. 14 Ōchōb keey ōyēku biich chēē
ōmwooyē ng'al chēbo man, kuu yoo rātē keey :chii
nyēbo lukeēt yoo māchē kuwo booryēēt. Oluumee
keey churtaayeet sōōriibēē keey kuu yoo iluumēē
keey :chii karneet wōlēēb teket yoo wēētii booryo.
15 Oluumee keey mbo lōkōōywēēk chēē kāroomēch
choo yibu kaalyeet sukung'eet ōyyoong'unēē yooto
kuu yoo iluumēē keey :chii kwēyōōn kērēēnkōōy.
16 Nto subak, onam kaakaaseet kuyēk loong'eet
nyēē ōyēētēē keey ām kootyēk tukul choo bo
ng'woonēēt choo mwooku :Kibrōkōsyoontēēt
kuu yoo yēētēē keey :chii loong'eet ām booryo.
17 Ōriibē mētēwookwook sōōsōōtē kurubta keey

6:9 Kolos. 4:1; Yāāk. 2:1 **6:10** 1Kōōr. 16:13 **6:11** Yāāk. 4:7

6:12 Ēfēēs. 2:2; 1:21; 1Bēt. 5:8-9 **6:13** Room. 13:12 **6:14** Isa.
11:5 **6:15** Isa. 52:7

wōlēē kiiraraaktaak :Kāārārookiintēēt kuu yoo iloochē :chii nyēbo lukēēt kuutwēēt sukukērēkteē mētinyii. Onam ng'ālyoontēētaab Yēyiin sōō-āmēē booryēēt kuu yoo nāmē :chii chōōkiit yoo wēētii booryo. ¹⁸ Ōyēyē ng'aleechu tukul ōsooyē Yēyiin kuyēētyēēchook. Ōsooyē kibtaman ām Tāmirmiryēēt. Ām ng'ālyoontooni, kumāchāktōōs ūchōbē keey -mookany kubēk :moonik. Ōsoochinē biikaab Kiriistō tukul ākookoy.

¹⁹ Ōsoowoo nkanii ānyōōru ng'aleek cheē āmwoooyē sāābooru nyēē māmii :muyāt, kiyēē iyeelaat kurubta keey āk lōkōōywēk cheē kāroomēch. ²⁰ Arataat :anii kuuyu āyēku kiiyookiin nyēē ā-āmtooy lōkōōywēchoo kāroomēch. Osaay kule āmwooowu ng'aleechaa nyēē māmii :muyāt kuu wōloo māchāktōōs amwaayte.

Chameetaab keey

²¹⁻²² Āmiitē āyooku Tukiikō kuchō wōloo ūmiitē. Ng'eetaabiya :inee nyēē chamaat ānku nyēē / kikkoosēē keey kubo yiisyēētaab Mokoryoontēēt. Mācumwoowook lōkōōywēk tukul cheē rubtooy keey āk anii sōōnkēt :nkakweek wōlēē āwuuyē :anii āk kiyēē āyēyē ānkumwoowook wōlēē kēēwuuyē :acheek tukul ānkōōtitiirook.

²³ Ōtēbtē :akweek mbo ng'eetaabiya kaalyeet. Kuyēētyēēchook :Baaba Yēyiin āk Mokoryoontēēt Yēēsu Kiriistō sōōchoomtōōsii ānkōōkoosēē keey inee. ²⁴ Kōōbēruurākiis :biiko tukul choo chāmē

6:17 Isa. 59:17; 2Kōōr. 10:4 **6:17** Mat. 4:5-7; Ibu. 4:12 **6:19** Luuka 18:1; Room. 15:30; Ēfēēs. 3:14; Kolos. 4:2-4 **6:19** Yēyuut. 4:29 **6:20** Ēfēēs. 3:1 **6:21-22** Yēyuut. 20:4; Kolos. 4:7-8; 2Tēm. 4:12

Ēfēsēēk 6:24

xx

Ēfēsēēk 6:24

Mokoryoontēēnyoo Yēēsu Kiriistō ām chamateet
nyēē mābēku.

Biibilya Nyēē Tiliil New Testament in Sabaot (KE:spy:Sabaot)

copyright © 2011 Wycliffe Bible Translators, Inc.

Language: Sabaot

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

Printed book ISBN 9966002030

The New Testament

in Sabaot

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

**PDF generated using Haiola and XeLaTeX on 11 Nov 2022 from source files
dated 29 Jan 2022
c68c9dca-518f-544b-a52e-82240cf64928**